


Er vorgesetzten baucheten seulen mach ein solchs capitel. Erstlich mach das so hoch vnd
 dick als die seulen oben vnder der fasen dick ist. Darnach reys die gestir blatten oben darson
 vnd mach sie eins sechs teyls dick von des captels hoch vnd lad sie halb so weyt auß als das
 capitel dick ist. Darnach teyl sechs gleyche felt zwischen der blatten vnd vnden des captels ende vnd
 schneid obe ein sechs teyl ab/mach darauß ein gestalt einer flache schüssel/ir obers ende lad auß bis
 ins halbreyl der blatten überschuß/ vnd mach jr ein fasen eins vierteyls breyt von der blatten dicken.
 Darnach mach vnder der schüssel ein fasen eins dritteyls minder dick dann die ober fasen ist/ diese
 fasen lad eins fünfteyls weyt auß von der blatten überschuß/ vnd von diser fasen zeuch hinein ein holz
 felen bis an des captels dicke so wirdt ein surm darauß wie ein weyter hofpacher/ vnd die schüssel die
 darauß stet machen miteinander ein guten surm. Darnach magst du das capitel ziren mit blumen
 thieren oder anderen dingen nach deinem gefallen. So du die zirden vnder die vier ort der blatten
 machen wilt die magst du herab rucken das sie sich vnder der fasen des bechers oberwerffen/ die fir
 rung zu den löpfen darob machen/so dick als die blatten ist/ vnd lad sie auß zweyer fünfteyl weyt von
 der blatten überschuß. Darnach magst du der schüssel form auch mit etwar ziren/vnd vnder den
 orten der blatten zwischen dem oberwerffen laub magstu auch etwas von zirden machen. Item
 wöllen dir die orter der blatten zu weyt überschiesßen/so reys jr hölen mit dem zirkel tieffer hinein/ vñ
 schneid jr eck so kurz ab als du sie haben wilt/wie ich solichs hernach hab außgerissen.



52